

## MATHEMATEG

Amser a ganiateir: 1 awr 30 munud

- Dylid ysgrifennu'ch holl atebion (gan gynnwys unrhyw ddiagramau, graffiau neu frasluniau) ar bapur, a'u sganio mewn i **un** ffeil PDF. Nid oes angen papur graff.
- Atebwch **bob** cwestiwn yn Rhan A a **dau** gwestiwn o Ran B.
- Caniateir i ymgeiswyr ddefnyddio cyfrifiannellau, cyhyd â'u bod yn cydymffurfio gyda gofynion byrddau arholi Safon Uwch. Rhaid rhoi'r gyfrifiannell i unrhyw oruchwylwyr yn yr arholiadau ar eu cais ac mae ganddynt yr awdurdod i atal ymgeiswyr rhag defnyddio unrhyw gyfrifiannellau y maent yn amau nad ydynt yn bodloni'r amodau hyn.

---

### Gwybodaeth

- Darperir tablau ystadegol. Noder bod y tablau yn cyfeirio at gynffonnau **llaw dde'r** dosraniadau, hynny yw, tebygolrwyddau ar ffurf  $p = \mathbb{P}(X \geq x)$  lle hapnewidyn yw  $X$  a phwynt canran **uchaf** i'w ddosraniad yw  $x$ .
- Mae fformiwlâu sy'n berthnasol i ddosraniadau safonol (e.e. ar gyfer tebygolrwydd, cymedr ac amrywiant) ar dudalen gefn y tablau ystadegol.

**Rhan A**

1. Symleiddiwch y mynegiadau isod cyn belled ag y bo modd, gan ddangos eich gwaith cyfrifo yn glir.

(a)  $\left(\frac{1}{a+3} - \frac{2a+1}{a^2+a-6}\right)^{-1} + a;$  [6 marc]

(b)  $1 + \frac{1}{1 + \frac{1}{1 + \sqrt{3}}}.$  [6 marc]

2. O dan amodau addas, gellir modelu twf bacteriol fel a ganlyn: ar amser  $t$  awr, nifer y bacteria mewn sampl yw  $N = Ce^{at}$  lle mae  $C$  ac  $a$  yn gysonion.

(a) Eglurwch ystyr y cysonyn  $C$  yn y cyd-destun hwn. [1 marc]

(b) Tybiwch fod nifer y bacteria yn y sampl yn dyblu bob 4 awr. Darganfyddwch werth  $a$ , i bedwar lle degol. [4 marc]

(c) Darganfyddwch yr amser mae'r sampl yn cynnwys 100 gwaith y nifer cychwynnol o facteria. [3 marc]

3. Datrysych yr hafaliad  $\ln(1+x) = \ln x + 3$  ar gyfer  $x$  (i 3 lle degol). [4 marc]

4. (a) Heb ddefnyddio unrhyw frasamcanion degol, datrysych yr hafaliad

$$\left(\sin \theta - \frac{1}{\sqrt{2}}\right) \left(\sin \theta - \frac{\sqrt{3}}{2}\right) = 0$$

ar gyfer gwerthoedd  $\theta$  rhwng  $0^\circ$  ac  $180^\circ$ . [5 marc]

(b) Dangoswch y gellir ysgrifennu'r hafaliad yn (a) yn gywerth â

$$\sqrt{8} \cos^2 \theta + a \sin \theta = b,$$

a darganfyddwch werthoedd  $a$  a  $b$ . [4 marc]

5. Gadawer i  $f(x) = 2x^3 + 3x^2 - 36x + 3$ , ar gyfer pob gwerth real  $x$ .

(a) Darganfyddwch yr amrediad o werthoedd  $x$  lle mae  $f(x)$  yn ffwythiant lleihaol. [5 marc]

(b) Darganfyddwch yr amrediad o werthoedd  $x$  lle mae'r deilliad  $f'(x)$  yn ffwythiant cynyddol. [2 marc]

6. Yn y datganiadau A a B isod, rhifau real yw  $x$  ac  $y$ .

A Os yw  $(x-y)^2 = (2x-4y)^2$ , yna mae  $x = 3y$ .

B Os yw  $x = 3y$ , yna mae  $(x-y)^2 = (2x-4y)^2$ .

Yn y ddau achos, nodwch p'un ai bod y datganiad yn wir neu'n anwir. Cyfiawnhewch eich ateb trwy roi prawf (os yw'n wir), neu wrthenghraifft (os yw'n anwir). [5 marc]


7. Darganfyddwch yr integryn amhendant  $\int(2x^3 - x^{-5} + 3x^{-\frac{4}{5}} - x^{\frac{2}{3}})dx$ . [4 marc]
8. Fectorau safle y pwyntiau  $A$  a  $B$  yw  $\mathbf{a} = -\mathbf{i} + 3\mathbf{j}$  a  $\mathbf{b} = 2\mathbf{i} - \mathbf{j}$ .
- (a) Darganfyddwch y pellter rhwng  $A$  a  $B$ . [3 marc]
- (b) Mae pwynt  $P$  yn rhannu'r llinell  $AB$  fel bod  $AP : PB = 3 : 5$ . Darganfyddwch, yn nhermau  $\mathbf{i}$  a  $\mathbf{j}$ , fector safle  $P$ . [4 marc]
- (c) Fectorau safle y pwyntiau  $C$  a  $D$  yw  $\mathbf{c} = \mathbf{b} + 6\mathbf{i} - 3\mathbf{j}$  a  $\mathbf{d} = \mathbf{a} + 3\mathbf{i} + \mathbf{j}$ . Darganfyddwch y fector  $\mathbf{CD}$  a phennwch p'un ai yw'n baralel i  $\mathbf{AB}$ , gan egluro eich ymresymiad. [4 marc]

Rhan B

9. Mae gan gromlin  $C$  yr hafaliad

$$x^2 + y^2 - 8x + 6y = 0.$$


- (a) Dangoswch fod  $C$  yn gylch drwy ailysgrifennu'r hafaliad mewn ffurf cywerth addas, a nodwch radiws a chyfesurynnau canol  $C$ . [6 marc]
  - (b) Dangoswch fod  $C$  yn mynd drwy'r tarddbwynt. [1 marc]
  - (c) Mae pwynt  $P$  yn gorwedd ar y cylch  $C$  gyferbyn â'r tarddiad yn ddiametrig. Nodwch gyfesurynnau  $P$ . Cyfiawnhewch eich ateb trwy fraslunio ffigur yn dangos y geometreg berthnasol. [2 marc]
  - (d) Darganfyddwch y pwyntiau lle mae  $C$  yn croestorri'r llinell  $y = 3x - 20$ . [6 marc]
  - (e) Dangoswch fod y pwynt  $(1, 1)$  yn gorwedd ar y cylch  $C$ , a darganfyddwch hafaliad y llinell sy'n tangiadol i  $C$  ar y pwynt hwn. [5 marc]
10. Mae tri bloc yn cael eu tynnu'n llorweddol ar arwyneb rhew diffrithiant gan ddefnyddio rhaffau llorweddol (màs dibwys) wedi'u halinio â chyfeiriad y tyniad, ac yn cadw'n dyn, fel y dangosir yn y diagram isod. Maint y cyflymiad canlyniadol y tri bloc yw  $3 \text{ m/s}^2$ .



- (a) (i) Gan ystyried y tri bloc fel gwrthrych cyfansawdd, brasluniwch ddiagram corff rhydd ar ei gyfer, hynny yw, nodwch yr holl rymoedd sy'n gweithredu ar y gwrthrych. (Nid oes angen meintiau rhifiadol ar hyn o bryd.) [2 marc]
- (ii) Cyfrifwch faint y grym tynnu, gan nodi'n glir yr hafaliad mudiant perthnasol yn seiliedig ar eich diagram corff rhydd yn (i). [2 marc]
- (b) (i) Brasluniwch ddiagram corff rhydd ar wahân ar gyfer pob bloc unigol, gan ddangos yr holl rymoedd sy'n gweithredu ar y bloc. (Nid oes angen meintiau rhifiadol ar hyn o bryd.) [7 marc]
- (ii) Trwy hyn, cyfrifwch y grymoedd tyniant yn y ddwy raff rhwng y blociau, gan ddechrau o hafaliadau mudiant yn seiliedig ar **ddau** o'r tri diagram yn (i). Nodwch yn glir pa ddiagramau rydych chi'n eu defnyddio. [6 marc]
- (iii) Gwiriwch fod yr hafaliad mudiant sy'n seiliedig ar y diagram **sy'n weddill** bellach wedi'i fodloni gan y grymoedd tyniant a gawsoch yn (ii). [3 marc]

Sylwer: i gael marciau llawn yn rhan (b) (ii)-(iii) rhaid i'ch gwaith cyfrifo fod yn ddigonol i ddangos cysondeb â'r diagramau corff rhydd y mae eich rhesymiad yn seiliedig arnynt.

11. (a) Mae gan ymchwilyr ddiddordeb mewn sefydlu a yw cyfran y dynion yn y boblogaeth sy'n lliwddall yn fwy na 10%. Mewn sampl ar hap o 50 o ddynion, canfuwyd bod 9 yn lliwddall. Gan nodi'n glir eich rhagdybiaeth nwl a'ch rhagdybiaeth amgen, a dosraniad yr ystadegyn prawf perthnasol, aseswch y dystiolaeth (ar lefel 5%) bod y gyfran sy'n lliwddall yn fwy na 10%. [9 marc]
- (b) Roedd gan fusnes fan arlwyyo ddiddordeb yn y berthynas rhwng tymheredd yr aer y tu allan a nifer y dognau cawl poeth a werthwyd. Fe gasglon nhw ddata ar y tymheredd a nifer y gwerthiannau cawl poeth ar bob un o'r 20 diwrnod wedi'i wasgaru trwy gydol y flwyddyn. Cawsant y plot canlynol.



Hafliad y llinell ffitiedig yw

$$\text{gwerthiannau cawl} = 97.6 - 2.9 \times \text{tymheredd}.$$

- (i) Disgrifiwch y berthynas rhwng tymheredd a nifer y gwerthiannau cawl poeth, gan gynnwys y defnydd o'r gair *cydberthyniad*. [3 marc]
- (ii) Beth yw'r nifer a ragwelir o werthiannau cawl poeth ar dymheredd o 10 gradd Celsius? [2 marc]
- (iii) Eglurwch yn glir ystyr y ddau rif yn hafaliad y llinell ffitiedig. [4 marc]
- (iv) Tybiwch, ar gyfer ail gynnyrch, bod newidiadau mewn tymheredd yn cael effaith llai (ond dal yn lleihaol) ar werthiannau, a'r swm a werthir ar 0 gradd Celsius yw 120 uned. Disgrifiwch sut fyddai'r llinell ffitiedig yn edrych ar gyfer yr ail gynnyrch hwn (o'i gymharu â'r cyntaf) ar gyfer tymhereddau sy'n fwy na neu'n hafal i 0 gradd Celsius. [2 marc]